



USAIDning Ўзбекистондаги Ҳуқуқий ислохотлар дастури ҳамда
“Оила ва хотин-қизлар” илмий-тадқиқот институти
“Хотин-қизларга нисбатан зўравонликка қарши 16 кунлик фаол ҳаракатлар”
доирасида амалга ошириладиган
**“Комплекс гендер ёндашуви гендер тенглигига эришишнинг самарали
воситаси сифатида”** мавзусида
Халқаро конференция ишида иштирок этишга таклиф этади.

Ташкилотчилар: USAIDнинг Ўзбекистондаги Ҳуқуқий ислохотлар
дастури, “Оила ва хотин-қизлар” илмий-тадқиқот институти
Ўтказилиш санаси: 2023-йил 24-ноябр
Ўтказилиш жойи: International меҳмонхонаси, Crystall Ballroom.

“Хотин-қизларга нисбатан зўравонликка қарши 16 кунлик фаол
ҳаракатлар” ҳар йили фуқаролик жамияти ташаббуси билан ўтказиладиган
Халқаро тарғибот кампаниясидир. У 25-ноябр, Халқаро аёлларга нисбатан
зўравонликка барҳам бериш кунида бошланиб, 10-декабр Инсон ҳуқуқлари
кунида тугайди ва бу аёлларга нисбатан зўравонлик бутун дунёда энг кенг
тарқалган инсон ҳуқуқлари бузилиши эканлигини кўрсатади.

Фуқаролик жамиятининг ушбу ташаббусини қўллаб-қувватлаш
мақсадида БМТ Бош котиби Антониу Гутерриш бошчилигида БМТ Бош
котибининг “2030-йилгача аёлларга нисбатан зўравонликка барҳам бериш учун
бирлашамиз” (UNiTE) ташаббуси аёлларга нисбатан зўравонликни бутунлай
тугатиш учун хабардорликни ошириш, қонуний манфаатларни ҳимоя қилиш
бўйича ҳаракатларни кучайтириш, билим алмашиш ва инновациялар бўйича
глобал ҳаракатларга чақиради. UNiTE ҳукуматлар, ривожланиш жараёни
субъектлари, фуқаролик жамияти, аёллар ташкилотлари, ёшлар, хусусий
сектор, оммавий ахборот воситалари ва бутун БМТ тизимини хотин-қизларга
нисбатан зўравонликка қарши курашда кучларни бирлаштиришга даъват
этади.

2023 йилда UNiTE кампанияси мавзуси “Хотин-қизларга нисбатан
зўравонликнинг олдини олишга сармоя киритиш” ҳисобланади ва биринчи
навбатда зўравонлик содир бўлишининг олдини олиш учун турли хил
профилактика стратегияларини молиялаштириш муҳимлигига эътибор
қаратилади. UNiTE кампаниясининг асосий тамойилларидан қуйидагилар
белгиланган:

- 16 кунлик фаол ҳаракатларда хотин-қизларга нисбатан
зўравонликнинг олдини олиш ва тўхтатишда **аёллар ҳаракати ва уларнинг
етакчилигини ҳурмат қилиш ва эътироф этиш;**

- **“Ҳеч кимни безътибор қолдирмаслик”**, инсон ҳуқуқларига асосланган ёндашувни қабул қилиш;
- **Жабрланувчилар манфаатларига асосланган ёндашувдан фойдаланиш** - жабрланувчига нисбатан ҳурмат қилиш ва “Зарар етказмаслик” ёндашувини қўллаш;
- **Хотин-қизларга нисбатан зўравонликнинг олдини олиш бўйича давлатлараро ва оммавий стратегияларни ишлаб чиқиш ва кучларни бирлаштириш;**
- Хотин-қизлар учун адолатли гендер меъёрлар ва фундаментал, барқарор ўзгаришлар динамикасини яратиш ёки мустаҳкамлаш учун **гендер роллари, режимлари ва амалиётлар ҳақида танқидий фикр юритишни рағбатлантириш.**

USAIDнинг Ўзбекистондаги ҳуқуқий ислохотлар Дастури миллий ҳамкорлар билан биргаликда **“Хотин-қизларга нисбатан гендер зўравонликка қарши 16 кунлик фаол ҳаракатлар”** доирасида халқаро конференция ўтказишни режалаштирмоқда. Конференция мавзуси “Комплекс гендер ёндашуви - гендер тенглигига эришишнинг самарали воситаси сифатида” – интеграциялашган гендер ёндашуви нуқтаи назаридан аёлларга нисбатан зўравонликнинг олдини олиш бўйича сиёсат ва стратегияларни ишлаб чиқиш билан боғлиқ.

Гендер бўйича комплекс ёндашуви (инглизча – Gender Mainstreaming)нинг моҳияти гендер тенглиги моҳияти жамиятнинг барча соҳаларига тегишли эканлигини инобатга олган ҳолда, таҳлил қилиш, режалаштириш, бюджетлаштириш ҳамда давлат ҳокимияти ва бошқаруви органларининг қарорлар қабул қилиш жараёнида гендер жиҳатларини эътиборга олиниши зарурлигини билдиради.

Давлат хизматчилари ўз фаолиятида гендер жиҳатларни аниқлашга қийнаётган шароитда тармоқ сиёсати, стратегия ва дастурларига комплекс гендер ёндашувни жорий этиш жуда қийин вазифа ҳисобланади, чунки амалиётда гендер масалаларига, энг яхши ҳолатда, фақат ижтимоий соҳада эътибор қаратиш ривожланган. Аммо, иқтисод, сиёсат ва хавфсизлик соҳаларида қабул қилинган ҳар қандай қарорлар аёллар ва эркакларга турлича таъсир қилади.

Ушбу қийинчиликлар объектив ва субъектив характерга эга бўлиб, уларни бартараф этиш маълумотларни тўплаш, таҳлил қилиш, стратегик режалаштириш, лойиҳалаш, мониторинг ва баҳолаш мезонларини ўзгартириш билан боғлиқ тизимли ҳаракатларни талаб қилади. Аммо, биринчи навбатда, “гендер” атамасининг ўзини нотўғри талқин қилиш ва нотўғри тушуниш натижасида юзага келадиган ички қарама-қаршилиқни енгиш керак. Бу мутасадди вазирлик ва идораларда фаолият юритаётган давлат хизматчилари салоҳиятини ошириш бўйича ишларни олиб боришни тақозо қилади.

Конференцияни ўтказишдан кўзланган мақсад хотин-қизларга нисбатан зўравонликка қарши курашда самарали восита сифатида

интеграциялашган гендер ёндашувининг моҳияти ва уни қўллаш бўйича илғор тажрибаларни, хорижий экспертлар, маҳаллий мутахассислар, академик ҳамжамияти ва фуқаролик жамиятлари институти аъзолари иштирокида муҳокама қилишдан иборат.

Конференция умумий ялпи сессия ва учта шуъбаларда ишлашни ўз ичига олади.

- Гендер тенглигига эришишда барқарор ривожланиш мақсадларини амалга ошириш;

- Комплекс гендер ёндашувини қўллаш ва самарали гендер сиёсатини ишлаб чиқиш учун маълумотларни тўплаш, таҳлил қилиш ва қайта ишлаш;

- Хотин-қизларга нисбатан зўравонликнинг олдини олишда давлат ва фуқаролик жамияти институтларининг ўрни.

Конференция якунлари бўйича комплекс гендер ёндашувидан фойдаланишни ҳисобга олган ҳолда гендер сиёсатини ишлаб чиқиш ва такомиллаштириш бўйича тавсиялар акс эттирилган маъруза тезислари билан конференция материаллари тўпламини нашр этиш режалаштирилган.

Юритиладиган тиллар: ўзбек, рус, инглиз тиллари

Тезис ва тақдимотлар тайёрлаш учун конференция иштирокчиларига қўйиладиган талаблар:

- **2023 йил 5 ноябрга** қадар “Халқаро конференцияда иштирок этиш” мавзусидаги эслатма билан ташкилотчиларга маъруза тезисларини тақдим этиш;

- Мақолалар **ҳажми** А4 форматида 5–6 саҳифадан иборат бўлиши керак, шу жумладан материал охиридаги библиографияни ўз ичига олиши лозим.

- **Дизайн:** қатор оралиғи -1,5; шрифт – Times New Roman; шрифт ҳажми - 14 pt; четлари - ҳар томондан 20 мм; ориентация - китоб; параграфнинг чегараси - 1 см; матн кенглиги текисланган; Саҳифа рақамлари киритилмаган бўлиши керак.

- **Сарлавҳа** ўртада қалин Times New Roman шрифтида ёзилиши керак. Сарлавҳадан кейин муаллифнинг тўлиқ фамилияси, исми, отасининг исми, илмий даражаси, иш жойи кўрсатилади.

- Фойдаланилган адабиётларга **ҳаволалар** тўртбурчак қавслар [] ичига олинган рақамлар билан форматланиши керак.

- **Фойдаланилган адабиётлар рўйхати.** Агар матнда фойдаланилган адабиётга ҳавола бўлса, унда асосий матндан кейин марказда "Фойдаланилган адабиётлар рўйхати" сарлавҳасини ёзиш ва манбаларнинг рақамланган рўйхатини жойлаштириш керак.

- Тезис мазмуни конференциянинг асосий маърузаси **мавзусини** акс эттириши керак. Диссертация охирида амалий тавсиялар берилиши керак.
- Муаллифлар мақолалар ва тезислар мазмуни ҳамда маълумотларнинг тўғрилиги учун шахсан **жавобгардирлар**.
- **2023 йил 15 ноябгача** маъруза тезисларини акс эттирувчи тақдимотни ташкилотчиларга тақдим этиш талаб қилинади.

Ташкилотчилар ҳақида маълумот:

Минавар Раҳимова, мобил. +998 90 995 01 36

Электрон почта: minavar.rakhimova@tetrattech.com

Хуршида Сайдивалиева, мобил. +998 90 328 61 85

Электрон почта: saydivalievahurshida@gmail.com